



Tir Yimiyim

www.tiryimiyim.in

Regd. No. RNI. NAGAAO/2004/13113. Postal-NE/RN-717.

e-mail : tiryimiyim@gmail.com

TAPAK 3


Yangia anidakangma :

f Tir Yimiyim

Instagram tiryimiyim@aolima

YouTube tir yimiyim

TAPAK 8



Taruba kum March ita Russia
tir election agitsü



ICC Men's Player of the Month
awarda atema Shami shimogo

VOL. XXI NO. 61 (ADOK 61)

DIMAPUR

ROGONÜ (FRIDAY)

LUCHII (DECEMBER) 08, 2023

₹ 5.00

Naga yimtenren atema SC Jamir-i Ato Kilonser Modi dangi zulu

Kohima, Luchii/December 07 (TYO): Naga nunger yimten ken o indang taoba Nagaland chief minister SC Jamir-i Ato Kilonser Narendra Modi dangi zulu liasü.

PM Modi dangi zulu shiti nung, state nung aliba nuberem aser talisa Naga nungeri Naga yimten ken o tekeraba nung tangatetep ka arutsü teimla lir, ta SC Jamir-i ashi.

"Gaon Borah Federation aser lenirtem densema Naga nunger delegations aikati tekeraba nung tangatetep kati arutsü tongtipang tang angatetdaksüogo. Naga nunger aser talisa Nagaland state nung aliba Naga nunger temi nü yimtenren lenisüba nung teimla kaa repranga atar," ta pai ashi.

"Anendaka aliba Naga political issue tatem kati bener arutsü tongtipang ta nai angateta alitsü südi ta ni amanger. Tang linük puti otsü nung Amritkal mapang

Nagaland nung SHGs 3797 atema sen crore 6.9 salaogo

Kohima, Luchii/December 07 (TYO): Nagaland nung aliba Self Help Groups (SHGs) tem asoshi tepelatsü osang ka ama, Department of Industries & Commerce, Nagaland kübok Food Processing Industries Division ajanga PM Formalisation of Micro Food Processing Enterprises Scheme (PMFME) kübok Nagaland nung aliba SHGs atema Seed Capital money salaba maparen tanü tembangogo.

Directorate of Industries & Commerce, Kohima nung sentong ka agidang, Nagaland nung aliba SHGs atema seed capital money agütsütsü asoshi Advisor, Industries & Commerce, Hekani Jakhalu-i Nagaland State Rural Livelihood Mission (NSRLM) aser Deendayal Antyodaya Yojana-National Rural Livelihoods Mission (DAY- NULM) nungi SHG züngsem 3797 atema sen 6,90,30,946 salaogo.

Iba sen 6,90,30,946 nungyagi NSRLM ajanga SHGs telok aser individual group züngsem 3454 dak rangloker sen 5,70,22,946 amshitsü aser DAY- NULM ajanga

Naga Solution ya India indang ato kilonser ka ama na asoshi konang ka asütsü," ta taoba Nagaland CM-i shiti nung ashi.

Naga political issue nung tasü ita pangzüng ka renemtsü Naga nunger aser lokti tentet balala teimla lir ta pai shiti nung ashi.

SC Jamir-i Ato Kilonser Narendra Modi dang ita ana tsüngta Naga political issue nung tatem tang teimtetba ka agitsü ajungshia liasü.

"Nü indang kümsük tanabuba matemdang, mesüra ita ana tsüngta Naga nunger ken o tatem kati arutsü asoshi nai teimtetba agitsü ni maneni ajungshir," ta SC Jamir-i December 3 nü PM Modi dangi zulu shiti nung shia liasü.

Tawa state pongu nung election agiba nungi state asem nung BJP-i takok anguba asoshia Jamir-i Modi den tepela lemsatepa liasü.

SHGs telok aser individual group züngsem 343 atema sen 1,20,08,000 amshitsü.

Iba ya ajanga NSRLM aser DAY-NULM-i SHGs nem seed capital money agütsütsü.

Nagaland nung aliba SHGs asoshi seed capital money salatsü atema 'button' ka nung anemba süle "Iba mera ya takokba otsü ka südaksüner," ta Advisor Jakhalu-i ashi.

SHGs yaritsü nükjidong nung Industries & Commerce department, NSRLM aser DAY-NULM lungjemer inyaker, ta lai ashi.

Department ajanga state nung "Unity Mall" lapoktsü, anungji kodang iba kiojen yangludir, SHGs aser district balalai market nung osettsüset ayoktsü asoshi ayutsüla, ta ashi.

"Manipur ya sports indang powerhouse ama asenoki jembir. Industries & Commerce department indang iba sentong ajanga Nagaland ya chiyongtsü indang powerhouse ka kumdaksüner," ta Jakhalu-i ashi.

Iba atema SHGs temi mapa inyak tenzüksüla, ta lai ashi.

CM Neiphiu Rio-i Naga nunger sobaliba wazüka ayutsü ajungshi

Dimapur, Luchii/December 07 (TYO): Tang telodak Hornbill Festival 2023 nung shilem ka ama Brehostibarnü Kohima village nung Tsütuonuoimia Khel ajanga Tsütu Kharu (Gate) pulling ceremony ayongzüka liasü.

Iba sentong ya Merhülietsa nung tenzük aser Seithogei, Kohima nung tembanga liasü. Iba sentong nung tongti tesemdang ka ama Javier Paulinich, Ambassador of Peru to India aden aser Nagaland Chief Minister Neiphiu Rio ya Chief Host aser Minister, Higher Education and Tourism, Temjen Imna Along ya Co-Host ama dena liasü.

Iba Gate Pulling Ceremony nung Host kumdaksüba asoshi CM Neiphiu Rio-i Tsütuonuoimia Khel dang pelaba lemsatep.

Hornbill benjongmung den külemi Tsütuonuoimia Khel ajanga

ayongzüka Gate Pulling Ceremony nung shilem agiba danga yimtsüng 25 danga pai pelaba lemsatep aser Hornbill Festival nung shilem ka ama iba ama sentong ayongzüka ajanga benjongi arur tourists aser ainer dang asen sobaliba aser yimsü tajung sayur, ta ashi.

Küm shia Hornbill Festival tenüng nung Jubilee mesüra Gate pulling programme kabo ayongzüker, aser ibai asen nuberem telungjem, sobaliba aser yimsüyimpung tajung alima dang sayutsü maongka lir, ta pai ashi.

Asen otsüla-oboula nungertem dak nungi senmang ama agizüka amshiba sobaliba nung temolung agütsütsüla aser tarutsü putu nem angazükdaksütsüla, ta CM Rio-i ashi.

National Highway nung Seithogei nung Tsütuonuoimia

Gate mesoba ya state yimtiba Kohima semdang asoshi "Welcome and Hospitality" temaitsü ka lir.

Iba ama sentong khenyongi balaka ayongzüka Naga nunger sobaliba tajung sayuba asoshi pai state sorkar tenüng nung Tsütuonuoimia Khel dang pelaba shia liasü.

Akhi mapang aser külem-kejaba asoshi süngkum ya yimtsüng defence indang tongtipang shilem ka lir. Akhi yimya nung süngkum ya süng agi yanglur aser tejen akumdang mesüra raksadang melener.

Kohima village nung iba ama süngkum ya 15 lir aser item rongnung pezü Tsütuonuoimia Khel meyong lir aser ano 'Tsütu Kharu' nungja agütsür December 7, 2023 nü iba sentong ajanga süngkum ka yanglu tenzük.

Indo-Naga yimten ken o jembiba tembangogo: WC, NNPGs

Dimapur, Luchii/December 07 (TYO): Government of India aser Naga nunger tsüngta yimten ken o jembiba terenlok makai anendaka lir ta Nagaland Chief Minister Neiphiu Rio-i ashiba November 30, 2023 nü osangkaket nung adokba ya tiaüz aser Nagaland nung aliba nuberem asoshi tamajung lir, kechiaser taoba mapang Angh inyaka alisangi 2021 küm assembly indang floor nung yimten ken o jembir ajanga den jembishinüba tembangogo ta shia liasü, ta WC, NNPGs sangdong ka ajanga ashi.

GoI tamendak dak tejangja meteta lir aser parnoki tekeratiba nung ajaki akumtsübo aser agizüktetsüsa tangatetep bener arutsü asoshi bendanga agütsür inyaker. Jembishinü terenlok makau anendaka lir ta GoI-i CM dang ashiba asü masüar ajibo 'facilitator' ka ama pai nuberem dang jangja ashitsüla, ta sangdong ajanga ashi.

GoI-i Naga nunger mashioktsütsü ta WC, NNPGs temolung lema lir. November 17, 2017 nü Agreed Position ajanga tamendak dak akang-akanga yanglua lir. Political aser administrative realignments asoshi kanga junga jembishinügo, aser iba mapang Naga nunger puti otsü aser ayak taroktiba nungi jembishinüa aru. Kati ka den yimjung nung alitsü asoshi Indo-Naga political agreement atema Naga nunger temang shi aser tekolok renema lir, ta WC, NNPGs sangdong ajanga ashi.

Indian constitution wazüka ayutsü nangzüka alisang

Nagaland CM-i junga meshisadangi yimten ken o tapi agi mejembitsüla, koba agi Manipur state nungi IM nung Naga solution anemer dang peladaksür. Naga nunger ken o jembishinüba terenlok makai anendaka lir ta jembitsü menüngdak. Indang-indanga jembia, mapa agi inyaka ajaki akumtsübo aser agizüktetsüsa yimtenren tangatetep kati arutsü asoshi pai inyaksüla, ta ashi.

October 13, 2021 nü New Delhi nung CM aser par cabinet züngsem temi WC delegation dang United Democratic Alliance (UDA) asoshi shidakba aser mezüngbuba takok angubaji Indo-Naga yimten ken o tekeratiba nung angatetetsü mechi Nagaland nung angh menden nungi R.N Ravi agienba ya lir ta shia liasü. Iba sülen küm ana tashi arudang 'facilitators' temi Naga nunger dang par teilemba tejangja mesayuteter, ta ashi.

GoI aser WC, NNPGs tsüngta yimten ken o ajak jembir tatemala angatetetsü asoshi GoI table nung lir. IM lenir temi political solution atsülangtsü aser raksatsütsü merangba ajaki meteta kumogo. Ceasefire mamshiba aser designated camps senzuka yutsüba telok ajanga ken o teimtetba kati maruteti akumtsü. Ita shia IM lenirtem, talisa Manipur state nungi, maneni Hebron Designated camp aser Lodhi Estate, New Delhi nung aliba Indian MP designated tsüngta sadok-sadoka aser anisüngzüka senzür aser Nagaland state aser state nguteter mezüngpur tenüng sena jajar ta

Nagaland state Chief Minister-i meteta lir.

IM nung aliba non-Nagaland Naga nunger temi Naga political solution atsülangner aser mejembiner aser Naga nunger den adianu aser adianutsür ama parnok teilemstü khuret ochishia lemsateptsü melen Nagaland state founders tenüng asener mesüra amokmeren mapa ang inyaker, ta WC, NNPGs ajanga ashi.

Article 371 (A) ya Nagaland state atema dang lir, aser nukmerem nem manishidaksür asünungbo kechiba Manipur Nagas mesüra danga Naga nunger temi ibaji anema jembir, koba shidakba kibur, Nagaland nung aliba Naga nungeribo ali aser ali rongsen madak tematiba tashi balaka ama züngshir? WC, NNPGs ajanga GoI den ken o jembidang danga state tem nung aliba Naga nunger indang puti otsü aser yimden tashi aser temeden asoshi jembir, süra tang shirnoki Naga nunger ashioktsür? Iba nukmerem yong Manipur nungi IM lenirtemi küm ishika tejangdang "Nagaland will cease to exist" ta sangdong asü?

Ken o jembirtem dang October 31, 2019 nung sangdongba nung ajemdaker GoI-i Naga nunger den political agreement sangdongtsü asoshi yimten yimsütsür temolungtetba nungdaker. Naga nunger den tesendaktep tasen ka tenzüksüla. Teimla aser mangdang tashi tulu; kati ka den jungtepa aser teti asoshi tesunep tarutsü Naga nunger generations nem agütsütsüla. Aser iba atemaji WC, NNPGs temi jembia arur, ta sangdong ajangasa ashi.

SSR2024
27 October, 2023 to 9 December, 2023
Election Commission of India

Nai 'Desh ka Form' fill-up sür ma?

Voter ka kümang mesüra Voters list nung

Give a missed call on 8929441950 to know more

Follow
@eciviceep @eci
/ECIVoterEducation
Election Commission of India


Log on to
voters.eci.gov.in

Apply through
Voter Facilitation Center
or contact your BLO

Download the
Voter Helpline App



Sh. Rajkumar Rao
National Icon of ECI



Beneficiaries 32 nem laptop, printer, drum set aser gitar agütsü



Dimapur, Luchii/December 7 (TYO): Hornbill Music Festival Outreach Program nung shilem ka ama December 5 nü NOA office, Kohima nung Beneficiaries 32 nem laptop 32, Printer 16, Drum set 2 aser Guitar 4 agütsüogo. Item laptop aser Music system tem ya PERFIOS-i (India nung BnB Fintech Firm tulutiba) tenla agüja liasü.

Beneficiary School aser Home tem ya state kübok music school tem aser nüngdaka aliba school tem nungi shimogo, kong Godwin Higher Secondary School; G. Mhiasiu School; Baptist Higher Secondary School, Tseminyu; Grace Mission School, Niuland; Soul School Academy; GPS. Kiza, Kiphire Town; Libemo

Memorial School; Christian High School, Shamator; Good Shepherd School; GMS, Longra; Sacred Heart School; Baptist Higher Secondary School, Peren; Royal Foundation School; GHS, New Market; GMS, Lengniu, Noklak; GMS inclusive school, Lerie; Aria Music Academy ; School of Music n Art; Rhapsody; Elite School of Music; Penta School of Music; Mon School of Music ; Geisuo School of Music; De Operatus; Kohima Institute of Music; Jubal School of Music, Pfutsero; Tremolo Music Institute, Jalukie; Hills Theatre; Film Association of Nagaland; Nagaland College of Music & Fine Arts; Kohima Orphanage aser Destitute

Home and Bright Morning Star Home densema lir.

Advisor to the Chief Minister of Nagaland aser IDAN mendenbuba Abu Metha aser Pefios Software Solutions Chief Executive Officer Sabhyasachi Goswami nati beneficiaries tem nem laptop aser musical instrument tem lemja liasü.

Tenla tajung agütsüba atema Perfios Software Solutions Pvt Ltd dang kanga pelaba lemsatepba mapang TaFMA mendenbubai Chandivali, Mumbai indang Rotary Club aser Arpito Gope , Consulatat TaFMA dang kanga pelaba lemsatep, shirnoki iba sentong takok angutsü atema teyari tulu agüja liasü.

Mokokchung DPDB senden ayonger

Dimapur, Luchii/December 07 (TYO): Deputy Commissioner aser Vice Chairman, District Planning and Development Board, Mokokchung, Thsuvisie Poji-i sangdong ka ajanga ashiba agi,

December ita atema Mokokchung DPDB senden den külemi Christmas yongya sentong ya December 11, 2023 anüngdang 11:00 ako nungi alitsü.

Commissioner, Mokokchung indang Conference Hall nung amentsü, anungji DPDB züngsem ajak iba senden nung arua adentsü ayongzüker, ta sangdong ajangasa ashi.

DPRO office nung Advent Christmas amung



DPRO Dimapur Lolano Patton den staff tem December 7 nü DPRO office nung Advent Christmas amungba mapang tangokba noksa nung angur.

Dimapur, Luchii/December 7 (TYO): DPRO Dimapur, Niuland aser Chumoukedima staff tem December 7 nü DPRO Dimapur office nung Advent Christmas den repsema tenüngsang agütsüba sentong agiogo.

Sentong nung DPRO Dimapur Lolano Patton, shiba Niuland aser Chumoukedima district incharge lir, lai Advent Christmas indang jembiba mapang, Advent ya kümtedakba Yisu asoba benjungmung amungtsü atema renemshiba mapang ka lir aser

iba ajanga Yisu Khrista tanaben arutsü atema atema renemshitsü asoshi lephsia metetdaksüba mapang ka lir ta ashi.

Laisa, temeim, tepela, yimjung aser tamang ya Yisu Khrista den tesendaktep tajung ayuba ajanga adoker ta ashi. Lolano-i, sentepa aliba lokti dang pei taküm lepa reprangshitsü aser pei taküm ya temeim, yimjung aser tesunep aser timla koba Khrista-i ajak nem agütsür iba ajanga alima asoshi temaotsüba ka asütsü ajungshia liasü.

Sentong nungsa DPRO-i tenzüker ajak dang parnok ipei

mapa kanga bendanga agüja nendaka inyakba atema tenüngsang agütsüba den mapang ajak nung teka amteper inyakba atema pelaba lemsatepba liasü.

Sentong nung Zion-i o tatsüka jembi aser Holly-i lai o zünga liasü. Maneni tetsür staff temi Christmas dak sendakba nung sentong tajung ka agi aser Loretha-i Tsüngrem temaotsü meshizüka sarasadema liasü. Sentong nungsa UDA, Bendangtoshi-i tepela ojembia liasü. Iba sentong ya LDA, Mhalo lenisüba nung agia liasü.

DIPR-i ayongzüka short film tetoktepba agiogo

Dimapur, Luchii/December 7 (TYO): Lanurtem ajungkettsü aser parnok nem Nagaland nung film sentong tulutiba nung sabang ka agütsütsü nükjidong nung Department of Information & Public Relations-i, 4buba Nagaland Film Festival, 2023 ayongzüka amungba mapang short film tetoktepba ka ayongzüka agiogo.

Tetoktepba osang ya RCEMPA, Jotsoma nung December 7 nü 4buba Nagaland Film Festival lapokba sentong nung sangdonga liasü. Iba tetoktepba ya Naga Cine Buzz-i kokogo. Parnoki "Crossroads of gratitude" film yanglua liasü. Kasa mapang nung tanabuba aser tasembuba jenjang nung Esther Longkumer ("Through a child's eyes") aser Team Tzuyim ("The Final Call") na liasü. Maneni Imtisalang Ozukum ("Brunt") nem consolation prize agüja liasü.

Tetoktepba akoker nem senpet sen 50,000 den kuli kakat, tanabuba nem senpet sen 40,000, tasembuba nem 30,000 aser consolation prize sen 20,000 agüja

liasü. Senpet ya alakteta jaoker, India dangi Peru Ambassador Javier Paulinich-i agüja liasü. Maneni takok angurtem ya Film Festival mapang screen asütsü.

Tetoktepba omen tem rongnung "A Moment in Time", "Hidden Connections", "Through a Child's Eyes", "Invisible Struggles", "The Power of Words", "Parallel Realities", "The Art of Survival" aser "A Glimpse of Tomorrow" densema liasü aser tetokteperitemi item omen dak ajemdaker short film yanglua liasü.

State nung film yanglutsü asoshi resource aser logistics agi anüngaka animation densema film tajung agika yanglua benokogo. Department-i tarutsü nung film dak sendakba inyakyim tem tali benoka inyaksangshitsü imla atar.

4buba Nagaland Film Festival ya Department of Information and Public Relations aser Ministry of Information & Broadcasting, Government of India aser Film Association of Nagaland (FAN) longjemer ayongzüko. Anogo ana amungba benjung ya Hornbill Festival 2023 nung shilem ka lir.

Hornbill International Photography Festival (HIPFEST) tembangogo



Dimapur, Luchii/December 7 (TYO): Hornbill International Photography Festival (HIPFEST), nung photography tetoktepba takok ngua tembangogo.

Iba tetoktepba nung tetendangertem rongnung Onenjungshi ya wildlife photographer ka lir, shiba Federation of Indian Photography kübok national recognition nguogo. Pa mapa tajung ya exhibition balala nung sayua arudar aser pai Nagaland nung arem shiruru, naro aser süngtonglitongtem tangoka sayua arudar.

Nikon India Private Limited Deputy Manager Soumyajit Maitra-a tetendangertem rongnung ka liasü. Pa küm 22 tashi iba luyim nung nyak arudar aser Nikon den küm 13 tashi nyaka arudar. Pai film era nungi dynamic digital age-i photography melenshia aoba ajangshio.

Maneni Kohima nungi naroküm aika ngur aliba photographer, Kekhriezhazo Miachio-ia iba tetoktepba tendangogo. Pa Hindustan Times, New Delhi nung photojournalist ka ama career tenzüker. Iba sülen pa Human Interest aser environmental portraits dak rangloker inyaka liasü. Pai, FDCI aser Wills Lifestyle Tokyo fashion show Photo competition, 2012, ToTo Tasveer Young Photography Award, 2017, aser UnSung Photography grant, 2020 nung takok tajung nguogo.

HIPFEST atema sempet agütsüba sentong December 9 nü 1:30 ako nungi tenzüka HIPFEST Arena, Kisama nung agitsü.

Iba sentong nung shilem agitsü atema tetoktepba nung shilem agirtem ajak pelashisia jaokogo. Tetoktepba nung shilem agirtem ajak nem kuli kakat aser mementos agütsütsü.

Veterinary Council of India
'A' Wing, 2nd Floor, August Kranti Bhawan, Bhikaji Cama Place, New Delhi - 110066
PUBLIC NOTICE - DRAFT ELECTORAL ROLL
 25/10/2023 nü Centre sorkar sangdong ka ajanga Registered Veterinary Practitioners (RVP) [IVC Act, 1984] dang India Veterinary Council (IVC) Rules, 1985/Amended IVC Rules, 1985/Amended IVC Rules 2019 kübok Veterinary Council of India atema parnok rongnungi züngsem 11 shimtsü asoshi ayongzüko.
 Anungji VCI office-i Draft Electoral inyakyim renemdar and kasaji December, 2023 tasembuba hopta inspection/correction/Mobile number updation/E-mail Id atema State/UT Veterinary Council aser VCI nung sangdongtsü. Anungji R. V. Ps tem dang parnok indang Mobile Number aser E-mail Id Registrar, State/UT Veterinary Council nem December 18, 2023 tashi nungbo update asütsü metetdaksüogo, kong pa/la VC Rules, 2019 kübok agüja aliba ama online election agitsü aser Draft Electoral Roll update asoshi züngoksema lir.
Secretary, Vet (Addl.) Charge
Dated : 07/12/2023 CBC 01222/12/0002/2324

Tsökchitepdaktsütsüsa inyakba ken o 31% agi teimba kümogo: NCRB

New Delhi, Luchii/ December 07 (Agencies): 2022 kum India nung telok balala tsungda tsökchitep adokdaksütsüsa ozüing alema inyakba ken o 1,500 dak tema liasü; item ken otem rongnung tesempa o jembiba densema lir, ta National Crime Records Bureau (NCRB)-i metetdaksü.

2020 kum nungi item ama ken o shilem 15.57 ajema liasü, ajisüaka 2021 kum nungi tenzüka item ama ken o shilem 31.25 agi teimba kümogo, ta NCRB-i metetdaksü.

Yaküm linük nung item ama ken o 1,523 benoka liasü aser ken o teimtibaji Uttar Pradesh nung benoka liasü (ken o 217). Iba sülen Rajasthan (191), Maharashtra (178), Tamil Nadu (146), Telangana (119), Andhra Pradesh (109) aser Madhya Pradesh (108) state tem liasü.

Union Ministry of Home Affairs kübok National Crime Records Bureau (NCRB)-i state balala aser union territories ajak nung ozüing alema inyakba ken otem bendena asadanger.

2022 kum state 9 nung IPC nung Arrla 153A kübok benokba ken o 100 dak tema liasü, ajisüaka 2021 kum nungbo state ana (Andhra Pradesh aser Uttar Pradesh) nung dang iba Arrla kübok benokba ken o 100 dak tema liasü. 2021 kum Andhra Pradesh nung ken o 108 aser

Uttar Pradesh nunga ken o 108 benoka liasü, ta NCRB-i metetdaksü. 2020 kum item ama ken o 100 dak tema benokba state tenet liasü aser item states ji Andhra Pradesh, Assam, Karnataka, Rajasthan, Tamil Nadu, Telangana aser Uttar Pradesh liasü.

State kar nungbo 2021 kum ozüing alema inyakba ken otemji 2022 kum nung anasü agi teimba aküm, aser item states ji Uttar Pradesh (2022 kum ken o 217 aser 2021 kum ken o 108), Maharashtra (178 aser 75), Rajasthan (191 aser 83), Gujarat (ken o 40 aser ken o 11) states lir.

2020 kum Assam nung item ama ken o 147 liasü, 2021 kum ken o 75 liasü saka 2022 kum nungbo kanga ajema ken o 44 dang liasü, ta NCRB report ajanga metetdaksü.

NCRB-i, "Ozüing alema inyakba teimba akümba aser ozüing alema inyakba atema police-i ken benokba naji khenyongi balala, aser ibaji junga angatetsü nüngdak," ta metetdaksü.

"Ozüing alema inyakba teimba akümba mesüra ajembaji jungunga bushisüngdangtsüla aser nüburtem atema tongtibang tebilemtsü onüktem asoshi inyaktsü atema item kulitem jangjatsüla," ta NCRB-isa metetdaksü.

Revanth Reddy-i Telangana Chief Minister tenangzükba agiogo

Hyderabad, Luchii/ December 07 (Agencies): Brihostibarnü Anumula Revanth Reddy-i Telangana chief minister inyaktsü atema tenangzükba agiogo; Telangana state nung Congress party nungi mezüngbuba chief minister ji pa asütsü.

Reddy dak alia Bhatti Vikramarka Mallu-i Deputy CM tenangzükba agi.

Tawa Telangana state assembly election nung Congress-i BRS sorkar atsüngdoka liasü.

Brihostibarnü Hyderabad nung aliba Lal Bahadur Shastri Stadium nung ayongzükba agiba sentong nungji state Angh, Tamilisai Soundararajan-i ketdangtsüa Reddy aser Mallu na nem tenangzükba agidaktsü. Paisa ketdangtsüa Gaddam Prasad Kumar nem Telangana Legislative Assembly Speaker tenangzükba agidaktsüogo.

Telangana nung cabinet tasenba nungsa MLA 12-i tenangzükba agi aser minister temji Nalamada Uttam Kumar Reddy, C Damodar Rajanarsimha, Komatireddy Venkat Reddy, Duddilia Sridhar Babu, Ponguleti Srinivas Reddy, Poonam

Prabhakar, Konda Surekha, D Chairperson Sonia Gandhi na Anasuya Seethakka, Tunmala densema party lenirtem aika Nageswara Rao aser Jupally aden.

Krishna Rao nung lir. Kasa sentong nungji Tenangzükba agiba Congress nungi Karnataka sentong nungji Congress Chief Minister Siddaramaiah national Tir Mallikarjun aser deputy Chief minister M Kharge aser Congress DK Shivakumar nata densema Parliamentary Party liasü.

1st Immakmangyang Memorial Table Tennis Tournament

Organised by Tongpangsanger Club

Tetushi Tejaoker
Wb. Ao Sanen Pongen, Chairman
Chuchuyimlang Village Council

11th December 2023 : Tesentepdak : Imlang Salang

Sendang Tarensen

| | |
|------------------------------------|---|
| Menden | : Wt. Meyimenla |
| Sarasademtsu | : Wt. Yimsunaro P Asso Pastor Women |
| Tepela O | : Wb. Tsuknungchuba |
| Senpet agutsutsu aser Tayongzuba O | : Tetushi Tejaoker Wb. Ao Sanen Pongen |
| Melepszung O | : Wb. Aosanen Jamir |
| Tatem Sarasadem | : Telok |

Lok Sabha nung Jammu & Kashmir Reorganisation Bill agizükogo

New Delhi, December 07 (Agencies): Bodhbarnü Lok Sabha nung Jammu & Kashmir Reorganisation (Amendment) Bill agizükogo; iba ozüing tasenba kübok Kashmiri migrants nungi züngsem ana aser Pakistan-occupied Kashmir (PoK) nungi prokshia alirtem rongnungi züngsem ka legislative assembly nung shimtsü.

Lok Sabha nungsa Jammu & Kashmir Reservation (Amendment) Bill agizükogo; sorkar mapa nung aser reju balala nung admissions atema menden wazüka yutsütsü asoshi temsüa alirtem atemai telatetbatem yanglushitsü nükjidong nung iba bill benoka liasü.

Asükwa mongpu Parliament senden mapang Union Home Minister, Amit Shah-i Lok Sabha nung bill ana ya benokba sülen anogo ana tsüingda

ghonda 6 tashi o lemtepa aruba sülen tesüsa senden nung item bill ana agizükogo.

Item bill atema o lemtepa mapang nung Amit Shah-i, sorkari Jammu & Kashmir dak sendakba bill ana benokba ya ajanga tesüiba kum 70 tashi Kashmiri nunger pei temeden mengui aliba tangbo parnoki item temedenji angutsü, ta metetdakja liasü.

Shah-isa, linük nung mezüngbuba Ato kilonser, Jawaharlal Nehru-i kanga tongtibang aibelen ana inyakba ajanga Jammu & Kashmir nungeri timtem ajurua aruogo, ta metetdaksü.

Paisa, "Jawaharlal Nehru-i mera shidak agi asübo Pakistan occupied Kashmir (PoK) ya tang India shilem ka süla. Iba ya putiotsü nung aibelenba lir," ta metetdakja liasü.



December 07, 2023 nü New Delhi nung Parliament House kima Mahua Moitra (ajichilen nungi tasembuba) densema Trinamool Congress (TMC) MP temi Union Minister, Giriraj Singh anema longkak aيتدang tangokba noksa nung angur.

FELLOWSHIPS ATEMA RESEARCH PROPOSALS MESHIR

(North Eastern Region Kisüing Atema)

DEPARTMENT OF HEALTH RESEARCH (MOHFW) INDANG "HUMAN RESOURCE DEVELOPMENT (HRD) SCHEME FOR HEALTH RESEARCH" KÜBOK MEDICAL/CLINICAL/HEALTH SCIENCES WADANG NUNG 2023-24 ATEMA

2023-24 KÜMATEMA

Advanced research inyakym asoshi trained human resources adokdaksütsü atema Human Resource Development (HRD) Scheme nükjidong ya India nung medicine aser health dak sendakba nung medical aser health research personnel nem advanced training agütsütsü lir.

North Eastern States (Arunachal Pradesh, Assam, Manipur, Meghalaya, Mizoram, Nagaland, Sikkim and Tripura) nungi temsüa aliba applicant nungi 2023-24 atema online research proposals meshir:

1. Indian Institutes nung Long Term/Short Term Fellowship training atema
2. DHR-i yaria long term/short term training agir alirtem atema Start-up grant
3. Women Scientists atema Fellowship Programme
4. Training agütsütsü asoshi Institute nem teyari
5. Kaketshir, tesayur aser danga researchers atema health research nung online courses aser web-portal amenoka research tali tashi itshitsü
6. Health Research Personnel [Non-resident Indian (NRI), Persons of Indian Origin (PIO), Overseas Citizen of India (OCI)] bendang lima nung inyaka alirtem meyiba arua India nung research agitsü asoshi ajungshia research grant aser fellowship agütsütsü

Applications ya online nung DHR/ICMR indang website portal: <https://dhrschemes.icmr.org.in> ajanga agütsütsüla. Eligibility, format of application, terms & conditions aser programme indang guidelines tejangja DHR website nung angutsü.

Full length research proposals agizüktsü asoshi anogo tatem: 04.01.2024 nikongdang 5:00 ako tashi

* Nisung meimchir/shiruru indang research agiba project ajunga **Human Ethics Committee/ Animal Ethics Committee-i** pei institute nung shimtsü.

CBC 17301/11/0007/2324



TIR YIMYIM YIMOBILEM (EDITORIAL)

DIMAPUR ROGONÜ, DECEMBER (LUCHII) 08, 2023

India-ia koma bilema alitsü ?

Naga nunger yimten nüchiso bushir telok balala aika lemsar India den Naga yimten nüchiso indang jembir aser ano külen Naga nunger tema nung alir lokti tentet balala aikati Naga yimten nüchiso bushiba telok aika kümer tashiyim agi saru saruba aser nisung pua bener aoba mapatem agi timtem agütsüba indang India government dang ashir ta asüba mapang ya India government-ia kechika bilema alitsü ta shisadangtsüsa adoker. Ibai Naga nunger ajak asoshi tipmatem bilemetsüba mapa aser mapang ka lir. Naga nungertem India den Naga yimten jenjang balaka latetnua jembiba ya asenoka yimten temeten ka aliyong, aji wazüka yunüba agi jembir asü (?) mesüra Nagaland nung tashiyim agi sarusachiba mapatem tali tali akümba agi yimten jenjang ka latetnua jembir ? Iba tasüngdangba ya asenoki asenoksasa benteta langzütet nung dang asenokia asenok tebilemetsü ya koka India den jembitettsü. Tangbo asenoki asen tebilemetsü tangar dangi bener aoer saka asen tebilemetsüji tangar tebilemetsü mekümdaktsüi asenoksasa koktettsüla. Ajisüaka, asenoki asenok yimten tebilemetsü ya yimten temeten aliba agi masü saka nüchiso bushirtemi asenok nem timtem agütsüba marem Naga yimten tebilemetsü latetner amaisa India dang shira, India-i kechi bilemetsü ? Iba tangatetba yagibo India-i Naga yimten tebilemetsü tatembang küma latettsütsü asoshi memerangtsü, kechiyong tangbo Naga yimten tebilemetsüji India tebilemetsü masü Naga nunger tebilemetsü kümogo ta asenoki parnok dang ashir. Aji oda, asenoki asen tebilemetsü mangatet India dangsa oa ashi tashibo asen tebilemetsüji tuluba akümtsü. Asenoki India dang oa shia shiabo, ashiko, tesüsabo India-i asenok dang asenok tebilemetsüji asenoksasa latetang ta ashitsüa akok. Aji oda, India den Naga nunger yimten nüchiso bushir teloktem yimjung nung aliba mapang yimten nüchiso bushirtem agi alima rongsen bushirtem kümer telok teimba teimba küma telemsa adokba tebilemetsü ya asenoki India dang oa ashidang ya India-i kechi bilemdar asütsü ? Iba tangatetbaji kodang asenoki jungjunga bilemdangdir, asenoki asen tebilemetsüji nisung tai dang oa ashir ta asenoki angatetsü. Naga nunger nem Naga yimten nüchiso magütsüi India temzüng ozüng kübok tashiyim agi Naga nunger ayutsü merangbaji India tai, anungji ajibo taoba mapanga India den jembia aru aser tanga aser tesüa India den jembitsüla. Ajisüaka, Naga yimten nüchiso bushir telok ka agi ana aküm, ana agi pezü aküm aser tangbo joko pezü agi ti, tukuka aküm ta Naga nunger asoshi Naga yimten nüchiso bushirsa ser nung telok aika küma aoba tebilemetsüjibo India dang masü asenoki Naga nunger yimten teloktem dangji ashitsüla. Ibaji India tebilemetsü masü asen tebilemetsü. India tebilemetsü aser teinyaktsüjibo Naga nunger nem Naga yimten temeten amshiteta alitsüsa alena meyui nüchiso jenjang ka agütsüsbaji lir ta mamali. India-ibo Naga nunger yimten nüchiso bushiba tenung nung telok balala noklang dak tali telemsa adoka tentetdaktünua alitsü. Ibaji India asoshi Naga yimten tebilemetsü tatembang kümtsüba den kasa asütsü. India-i Naga nunger ajak ya 'Designated Camp' ka nung yur mesütsü koka lir aser iba nükjidong nung India-i inyaker. Yamaisa lia, oda, oda Naga nunger ajak ya Naga yimten telok ka nung mesüra ka nung adener akümtsü aser asenoksa ser nung shirnok o shirnoka raratepar mejangja ser asenok o asenok na rarateptsü aser idangji India sepaitemi bendangtsütsü. Tang amaisa asenoki Naga yimten tebilemetsü ya lanurtem mapa manguba tebilemetsü amaisa India dang ashi tashi aser Naga nunger telok paikaya küma lemsaba timtem ya koknua India dangsa ashi tashi, India-i Naga yimten ken o mejembiba mejembiba akümtsü. Asenoki asenok kilong tebilemetsü o yimkong atema yimten tebilemetsü latettsüba ken o na ya bendangtettsüla. Naga nunger 'plebiscite' agibaji lanurtem mapa manguba agi masü aser sarusachi maginüba agia masü saka Naga nungertema Naga nunger yimten temeten asoshi inyakba mapa ka liasü, tanua asenok yimten mapa aser ken o jibo kasa yimten temeten ken o asütsü tim.

OLEMSABANG

NÜWADANGKOKTETANG

-- K.Temjen Jamir, Yimozülur, Tir Yimyim.

(Dimapur Watsü Telongjem 39 Buba Lokti Senden November 11, 2023
anogo sentong nung jembiba o)

Aor akhi loktiliba aser yimten nung teburtemi amokbanger sobalibaa aruba mapang tetsürtembo tanur ama züngshi aser aonsutsü süngolemba tejong ka jenjang den kasasa medemdanga " nenok tetsür tanur ajemajema liang ta, nenok süngolang aser nübanglang asüng shir keti aotsüar memetet," ta mezüngmeshia jembiba mapanga liasü. Ajisüaka, ano Aotsürtemiang Aor yimten yimli aser lokti kümzüka aru. Aji oda, tetsürtemi tebur tasü itdakja ken mejema tenloktsüba agi, aser arleper, nokinketer aser takar taiter asoshi tabentsü sü balaka apiteta taaka abendaktsü agi tongpang tulu koka yim kümzüka aru aser takar akümtsü merangtepa alu ayim. Nokranger den raraba tongpang tesashi ama nunga tetsüri tasa agütsüba agiang tsükchir koka rarartetba otsü tanü tashi jembir. Aji oda, tsürabur sobaliba agi yimten nung tetsürtem nem temeten aser maongka magütsü dang ashi, yimten mapa aser tongpangbo tetsürtem shisatsü aser nebo agidang koka aru.

Atangji, asen tsüraburtem lima nung akhi lepteptsüngtep mapang yim akümdanglemzükba alushi aser kimunglumong nung tetsürtem nem senmang magütsür dang ashi, tetsürtem nem sentsüa melemzüktsü aser melemzüktsür. Aji oda, tanübo pei tsürabur yim among adena orrbo, yangi Dimapur ama alima tasen nungbo tetsür tebur kecha mali, shibai kechi ajangzükter, itemji la mesüra pa meyong akümer. Yimten nunga akhi Chungliyimti shilang alanga akümba putu menden nung tetsürtem nem temeten aser maongka magütsüteter dang ashi, putu menden adena orrbo kechi yimten yimsüsüba menden ali, item ajak nungji tetsürtemi tebur den kasasa toktepa shilem agitsüsa temeten agüja lir.

Ibayongji, tanübo Nagaland Legislative Assembly aser Rajya sabha nung Nagatsürtem tatar yimsüsür kumer amenba angur.

Ano, tangbo Municipal aser Town Council nungbo tetsürtem asoshi noklang nung shilem 33 wazüka yutsütsü lemtetogo aser tanüngba menden noklang nung 67 nunga tetsürtemi tokteptetsü. Item nungjia Aotsürsa tajungba ta asütsüsa shilem agitsü renemangma. Joko, yimten, lokti aser arogo mapa nung teburtem dak dang merangloki asen lima nunga tetsürtemi peii inyaktsüba wadangtem kokteta inyaktsüba mapang tajung ka aruadokogo ta angatetdi.

Süra, Nü Wadangji kechisa ?

1. Na asoshi mezüng akoktsüba wadangji Na lir

Nai naji memetettsüa akok, saka na ya atamata, ordinary, tetsür ka masü. Nür kiji chuba yimli ka lir. Idakji na chubatsür, chubaji nü kinungbo, anungji asen tanurtemji chubaer chirnurtem lir. Atangji, chubatsür asütsüsbaji kanga tasak, kechiyong labo tangar mashimalu, ordinary, tetsürtem ama kidang aser kima yimdong nung o mashi-mashi nüngsen bangsen jembia senzütsüba tetsür masü. Chubatsürbo achiajem nunga tasüngtet aser kaket azüngba ajanga tashitemetet akümba tetsür, anungji tanurtem asoshia laji tesayur tajung akümer. Chubatsürbo anü adoka memejanger, soruchioktsü nung laji mongin, lai la topur meraksadaktsür aser temang tereprangtsü raksatsüsa chiyongtsü tangu asaa machir aser majemer. Chubatsürisa Tsüngrem temetetba, kechiyong chuba aser par chirnurtem asoshi dang masü saka nübortem taküm junga alitsü atema Tsüngrem teyari nüngdaker ta lai meteta lir. Nai naji tejen Laishiba nung aliba chubatsür kar den medemdangang, aser tanü putu nung laji na asütsü.

(Maneni asüng adok nung...)

Iba Olemsabang nung lemsaba ken-o aser shisatsü ya iba ocet züluri bilemba ken-o ama tazünger angateta agitsü mepishir

Tsüngrem ajanga dang asen taküm khenyongji melenshitsu: Pastor Samuel



December 06, 2023 nikongdang DDSC stadium, Dimapur nung tanela asentenshi crusade tanabuba anogo nung Crossway Arogo choir-i ken atandang tangokba noksa nung angur.

Dimapur, Luchii/December 07 (TYO): Bodhbarnü DDSC stadium, Dimapur nung tang tagidak tanela asentenshi crusade tanabuba anogo nung tongti o jembirji Atmik Jeevan Church, Bagdora nung pastor, Samuel Sengupta liasü, ta Koinonia media Ministry-i metetdaksü.

Tanünübuba crusade nung jembidang pastor Samuel-i, Tsüngrem Oji kasa dang saka iba nungji ajak atema osang balala lir, ta ashi.

Paisa, ochi aser taküm atema lenmangji Tsüngrem dang aser Pa ajanga dang asen taküm khenyongji melenshitetsü, ta ashi.

Iba sentong nung Crossway Arogo choir aser Chanda Sengupta-i ken tena liasü aser Menuotuolie Chielie-i tamalen pai satan külema aliba saka tangbo pa Yisu Khristar sepa ka akümba taküm kuli lemsatop.

Paisa küm tenet tashi pa satan talenba kübok aliba lemsatopa liasü.

Iba sentong ya Koinonia

Baptist Church nung Asst Pastor, Zashkho Hibo leniba nung agi.

Mongolbarnüa kasa crusade sentong nung nisung aika tashidak balala anepa taneptsü angur. Rev. Zotuo-i shirangertem atema sarasademtsü aser taneptsü angurtem rongnung tesüiba küm 5-6 tetsüing ashir ka, surgery agiaka tenük agi junga mangur ka, tesüiba küm trok tashi tesaret ashir ka aser junga menokdakteter tambur ka densema liasü.

Brihostibar nikongdang sentong nunga tongti o jembirji Samuel Sengupta liasü.

Pastor Samuel-i, tamangertem sarasadem ajanga iba crusade ya ayongzüka akar, ta shia Yakob 4:8 "Tsüngrem anasa arung aser Pai na anasa arutsü" Lai O nung ajemdaker tayongzüka agütsü.

Paisa, asenoki dang melungra Tsüngtemi asen taküm nung ajak inyaktetsü, ta ashi. Nikongdang sentong nung Nagamese Christian Church,

Seithekema C aser Chanda Sengupta nungi ken ajanga shilem agia liasü.

Kasa sentong nung Shürhozetuo Rutsa-i pa küm 5 tashi satan külema aruba aser pai Tsüngrem ajuruba sülenbo pa taküm khenyongji melenshiba taküm kuli lemsatop.

Kasa sentong nungjisa Miracle Healing Prayer Ministry nungi Nangba Konyak-ia pai Tsüngrem temoatsü agizükba sülen pa taküm melenshiba kuli lemsatop.

Iba sentong ya Men's Fellowship KBC nung chairman, Khriezovolie Suokhrie leniba nung agia liasü.

Iba crusade ya December 10 tashi agitsü anogo shia nikongdang 4:00 ako nungi sentong tenzüksü.

Organising Committee-i iba sentong nung adentsü atema Dimapur nung alirtem dang masü saka Nuiland, Chümoukedima aser Assam nungi tejangrar ajak pelashishia jaokogo.

Sorkari Khristantem ya ozüing alema inyakerter ama züngshir: NCJP

December 07, 2023: Taküm August ita nung Pakistan kübok Jaranwala nung Tenla ki aika rongdoktsüba aser Khristantem amakba tatalokba dak sendakba nung Pakistan bishops' conference indang National Commission for Justice and Peace (NCJP)-i sorkar aitsüogo.

Jaranwala nung tatalokba dak sendakba nung NCJP-i report ka ajanga, "Iba tatalokba ya Khristantem ajanga lir, ta nütsüing teimba aliba Muslim nungertem dang sayutsüsa sorkari inyaker," ta aitsü.

Shidakba agibo takoksa angur Khristantem atema aria bilemstsütsüla, ajisüaka sorkari Khristantem ya ozüing alema inyakerter ama züngshir, ta NCJP-i renemba report ajanga metetdaksü.

"Telok kari ozüing alema inyakba mapatembo sorkari mangu ama dang toktsür," ta parnokisa metetdaksü.

"Oppressed again: A critical analysis of Jaranwala tragedy,"

ta ajaba report ya December 4 nü

NCJP-i metetdaksü. Osangbener den jembidang NCJP executive director, Naem Yousaf Gill-i, iba report ya sorkar anema nokdaksü nükjidong nung masü, saka tarutsü nungbo item ama tatalokba nokdangtsü nükjidong nung iba report ya renem, ta metetdaksü.

Pakistan nung Khristan anati Muslim nungertem meshi kaket Quran raksatsü, ta tai tonglokja August 16 nü Muslim nungertem longkak aitdang Jaranwala nung Tenla ki 26 rongdoktsü/raksatsüba den külema Khristantem meyong ki noklang aika rongdokja liasü.

Kasa report ajanga ashiba agi, police ken o 22 dak sendakba nung Khristan 57 densema nisung 303 apu. Faisalabad district court-i melung malemer 100 bo chiokogo aser Khristan 5 densema tanüingba nisungtemji tang tashi district jail nung lir.

Kasa report nungji Catholic

Bishops' Conference of Pakistan, Church of Pakistan bishops, Punjab province nung Inspector general of police in Punjab, caretaker Prime Minister Anwaar-ul-Haq Kakar, chief justice Qazi Faez Isa aser takoksa angurtemi jembiba otem densema lir.

Kasa report ajanga sorkar dang linük nung Tsüngrem mezüingmeshiba ozüing ya reprangshitsüla, kechiyong iba ozüing ya Khristantem anema hadir ka ama amshir, ta mepishia metetdaksü.

NCJP-isa Khristantem anema tesempa o jembirtem nem temerenshi agütsütsüla aser Jaranwala nung takoksa angur Khristantem nem temenok agütsütsüla, ta mepishi.

NCJP-isa sorkar dang minorities commission ka tentetsü aser parnok nem tashi tulu agütsütsü mepishia metetdaksüogo.

Nütsüing million 230 aliba Pakistan linük nung nütsüing shilem 5 shi dang Khristantem lir.

ANOGO ABEN TSÜNGREM DEN

Tenüngsang Agütsüba Teinyaktsü T.Ken 113:1-9

"Kibuba tenüng, iba mapang nungi aser teti tatem maka temoatsü süang. Anü dok nungi anü lu tashi Kibuba tenüng sanga alitsü" (t.2,3).

Item tekong yagi asenok teinyaktsü indang ashir. Mezüingbuba, asenoki Tsüngrem tenüng asangtsüla. Kodang asenoki Kibuba tenüng asangtsü amadokdir lendong lir ta metettang. Shibai anü adokba tobur tajung mesüra anü aiba tobur tajung, tebur tajung metsü tsüngküm anogo mesüra tobur tajung asükwa tsüngküm yanglu, Pa tenüng mesangi itemji pelaa agizüktsü? Asenoki Tsüngrem tenüng asangtsü tetemsü, kechiaser Pai asenok asoshi mapa tulu inyak.

Ano ken züluri anogo ajak nung Tsüngrem tenüng asangtsü ashir, "Anü dak nungi anü lu tashi Kibuba tenüng sanga alitsü" (t.3). Anepdang Pa tenüng sangang. Anogo süidang Pa tenüng sangang. Anüngdang mapa tajung asoshi aser mapa tasak asoshi Pa tenüng sangang. Tia ajak ajanga Pai na reprangba asoshi Pa tenüng sangang.

Asenoki ano alima ajunga nung Pa tenüng asangtsüla- anü adok nungi anü lu tashi jajaba ama. Aikati Kibuba memeteti alir, aikati Kibuba Yisu tekümtet mangatet lir. Parnok asoshi kechi inyaktsü? Asenok alidak nungi kuli asüba ajanga tenzükdidi. Asenoki sarasademdi aser agütsüdi. Missionarytem asen teyari nüngdaker. Tsüngremi osang bener Bendang limai na yoktsü akok. Tsüngrem tenüng sanga pei ataba mapa inyakdi.

Ne nem Pa tenüng asangtsü maongka agütsüba nung ne teinyaktsüa dena Tsüngremi ne nem agütsür. Iba kuli nungi na kodanga jena tuo. Nai Pa tenüng asangba agi anogo tepiyong aser alima ajunga süngdakjang. Na anogo shia jajaba nung Kibuba tenüng asangbaji shilem ka kümdaktsür asü ?

Philippines nung bomb poklok-tsüba atema ISIS-i tenüng agiogo

December 07, 2023: Taoba "Bongbong" Marcos Jr-i iba Amongnü Philippines nung tatalokba ya bendanger Khristantem tekülem sentong kiralongrartem ajanga lir, ta shia tagidak mapang nung bomb iba tatalokba aitsü aser pokdaksüba lendong nung Defence Secretary, Gilberto Teodoro-i aibelenertem aputsü, ta metetdakja liasü.

SITE Intelligence Group-i, iba lendong agütsüba atema

ISIS-i parnoksa tenüng agiogo, ta metetdaksü.

December 3 anogo ya sentong tagidak mapang nung Christmas Advent mezüing bomb tesashi ka apok. Tekülem Amongnü liasü. Iba anogo nung alima tesem balala nung Khristantem Yisu Khrista alimai tanaben aruba bilemteta amonger aser Christmas amongtsü atema tanela tsütsü terenemshiba tenzüker.

Philippines Tir, Ferdinand

AO OSHI ANGAZÜKDAK:
TANÜ ANGAZÜKTSÜBA OJANG



Sentemer

(v) omadokba (wear away, drain off)

* Tzushi tapok nungi tzü ajak sentemer liasü.

Sentep

(v) adenshi (meet together)

* Arogo nunger ajak tenla kidang sentep.

OLONG PAITEP # 6637

| | | | | | | | | | | |
|----|--|---|----|----|--|----|---|--|----|---|
| 1 | | 2 | | 3 | | 4 | 5 | | | |
| | | | | | | | | | | |
| | | | | 6 | | | | | | 7 |
| | | 8 | | | | | | | | |
| 9 | | | | 10 | | 11 | | | | |
| | | | | | | | | | | |
| | | | 12 | | | | | | 13 | |
| | | | | | | | | | | |
| | | | | | | 14 | | | | |
| | | | | | | | | | | |
| 16 | | | | | | 17 | | | | |

TIPLÉN

- 1. Nisung jenti - (5)
- 4. Tsük rudenba - (5)
- 6. Temzüng tesashi - (5)
- 8. S_ _ _ i - (3)
- 9. Nisung rongnung telemsa - (3)
- 10. Anogoshi - (4)
- 12. Ajanga aor - (4)
- 13. Tsük rizüngdak - (3)
- 14. Tebang nungi adokba - (3)
- 16. Süngdong tatembangtiba - (5)
- 17. Mepupet - (5)

LANGTSÜNGLEN

- 1. Tenük telong - (9)
- 2. Committee dang ajar - (5)
- 3. Yagi ki okdoker - (7)
- 5. Yim lenmang - (5)
- 7. Temoatsü keter meyipa aruba - (9)
- 11. Kanga junga menemba - (7)
- 12. Kenyongi majinü - (5)
- 13. Rong kanga tulu - (5)

OLONG PAITEP # 6636 TELANGZÜBA

TIPLÉN :

- 1. Tanga, 6. Wara, 7. Rajang,
- 9. Anük, 10. Jenjang, 11. Alar,
- 14. Ngashi, 15. Nala,
- 16. Mechi.

LANGTSÜNGLEN :

- 2. Anga, 3. Yabang, 4. Tarok,
- 5. Orak, 8. Ainer, 9. Anema,
- 10. Jabili, 11. Among,
- 12. Miim, 13. Anem.

NAI-A YA METETTER MA

- * India-i 100000 küm tsüngda linük ka danga mamak
- * Küm 5000 tejakdang kin aika arem nung nemzua liyonga aoba mapang India nungertemi Sindhu Valley (Indus Valley Civilization) nung Harappan culture amenoka liasü.
- * India nungja ya Indus ayong tenüng nungi agitetba lir.
- * Chess asaya ya India nung tenzüka liasü
- * Algebra, Trigonometry aser Calculus nunger ajak ya India nung tenzüka liasü.
- * The 'Place Value System' aser 'Decimal System' ya India nung 100BC nung tenzüka liasü.
- * Alima nung mezüngbuba granite temple ya Tanjavur, Tamil Nadu nung Brihadeswara Temple lir.
- * India ya alima nung democracy tulutiba aser alima nung linük tulutiba rongnung 7buba lir.

Tanur asoba anogo nung salem osang den noksa angati adokdaksünüra - Tenüng, Küm, School, Talidak & salem osang tejanga zülur, noksa (photograph - any size) ka den anogo 3 mesüra 4 jelia e-mail : tiryimiyim@gmail.com nung yokang mesüra Tir Yimyim bureau tem nung agüjang.

Tepela Tasoba Anogo



- 1. Tenüng :
- 2. Tasoba anogo:
- 3. Küm : 4. Class :
- 5. School :
- 6. Talidak :
- 7. Salem osang :

Assam: Ali kuli kaket taila yangluba dak sendakba bushisüngdangtsü atema SIT ka tentettsü

Guwahati, Luchii/December 7 (Agencies): Tawa Guwahati nung ali kuli kaket taila yanglua beshiba putetba sülen Assam sorkari iba ken o kanga junga bushisüngdangtsü atema special investigation team (SIT) ka tentettsü asoshi sentong aliba sangdongogo.

Ozüng alema ali kuli kaket taila yanglua beshiba dak sendakba nung advocate ka aser sorkar tenzüker ka densema nisung trok apuba sülen iba telemetba ya agiogo. Chief Minister Himanta

Biswa Sarma-i ali dak sendakba nung kuli kaketem mangaoka ayuba takdang asadangtsü asoshi Kamrup (Metro) district commissioner indang office semdangogo. CM-i, district commissioner aser circle officer tem dang ali dak sendakba nung ochi mashi inyakyim ajak tangsa tang tembangdaksütsü asoshi parnok indang office nung ken o dak sendaka alirtem anema jenjang tapet agitsü asoshi tetuyuba agütsüogo.

CM-i, district commissioner aser circle officer tem dang ali dak sendakba nung ochi mashi inyakyim ajak tangsa tang tembangdaksütsü asoshi parnok indang office nung ken o dak sendaka alirtem anema jenjang tapet agitsü asoshi tetuyuba agütsüogo.

Paisa, tetuyuba sülen manidakba ketdangsürtem anema jenjang tesashi agitsü ta tekümdaksü metetdaksüogo.

CM Sarma-isa, chichiba kiburtem ket nungi ali tashiyim agi rakzüka nung sendaka aliba land sharks aser broker tem shirnok sorkar tenzüker kar den longjemer inyakdar parnok inyakyim ya nokdangtsü nungdaker ta ashi.

Paisa, iba inyakyim ya raksatsütsü asoshi kechi südir süaka jenjang tapet agitsü ta tenangzüka agütsüogo.

Manipur: Myanmar nunger refugee 1650 jungogo

Guwahati, Luchii/December 7 (Agencies): Myanmar nung military aser lisopur telungpur telok balala maneni raratepba mapang ka nung Myanmar nunger refugee tem Manipur kübok Kamjong district-i tali senoka aitar aser tang tashi nung nisung 1650 shi jungogo, ta Manipur sorkari Brehostibarnü metetdaksü.

Refugee tem ya timba tanur aser tetsürtem lir, aser parnok ya Kamjong district kübok relief camp balala nung jenoka lir.

Refugee tem tali senoka aitba ajanga, özüng alema

state-i aitba Myanmar nungertem indang biometric mangaoka ayutsü atema campaign balala tenzüka liasü, ajisüaka tzunglu aruba aser arrtsü nung tensa mejungi aliba ajanga item campaign tem ya kanga meyilongi dang inyaka odar.

December 5 nü tashi nung district nung jenoka aliba refugee 1637 nungi Myanmar nunger 1592 indang biometrics bo mangaoka yuogo.

Kamjong district administration aser arrtsü meita atatsü asoshi yoka aliba Assam

Rifles sepaitemi iba mapa ya benoka inyaksangshio.

Refugee tem ya tang Humin Thana, Phaikoh, Namlee, Wanglee, aser Kaka yimtsüngtem nung jenoka lir.

Myanmar military-i telungpurtem samatsütsü asoshi arrtsü nung aliba yimtsüngtem kanga mejungi amakba sülen refugee tem ya tali kümogo.

Central sorkar tetuyuba nung Manipur sorkari state nung jenoka aliba Myanmar nungertem maitsü jangjatsü atema biometric benden tenzüko.

Meghalaya-i railways bener arutsü KSU-i memulunger

Shillong, Luchii/December 7 (Agencies): Khasi Students' Union (KSU)-i Meghalaya-i railways bener arutsü memulungba lephsia metetdaksüogo.

KSU-i ashiba agi, Meghalaya nung inner line permit (ILP) system mebenok tashi state-i railways bener arutsü atema inyaksangshiba anema parnoki nokdaksü.

KSU general secretary Donald V Thabah-i ashiba agi, state-i railway bener maru tsüngda lisopurtem pei state nung

tangar nem melira Meghalaya, kong mamokbangdaksütsü atema jenjang tapet agitsü nündaker.

"Chief minister aser cabinet minister temi mapangshia khu abenba train anri aruba ajanga nüburtem aser talisa aluyimertem ajangzükdaksütsü ta shia arudar saka parnoki railway track yangluba sülen passenger train-a arutsü aser iba ajanga timtem bener arutsütsü alibatam masadanteter," ta pai ashi.

"Bendangertem senoka aitba nokdangtsü atema ILP amala inyakyim tashi tait ka amenoka

lisopurtem nütsüngyongsük ishika dang, lir iba state yagi khu abenba train süang mesüra passenger train süang magizüktettsü," ta KSU lenir yagi ashi.

Paisa, Meghalaya sorkar dang state nung ILP benoktsü atema Centre den sensaksemtsü mepeshia metetdaksüogo.

KSU lenir yagisa, Meghalaya nung ILP benoktsü atema ahangba dak sendakba nung ajem ajema aliba atema Centre sorkar aitsüogo.



December 5, 2023 anogo nung "solo singing competition" lipoklong zünga Unger ajanga ayongzüka liasü. Iba sentong nung tetushi tesemdang (special guest) "Er. A. Atu Imsong" project Director, DRDA, Longleng liasü. Iba tetoktepba nung 1st position Mr. Impang jamir(20000) aser 2nd position prize Mr Aotangit (10000) liasü.

**GOVERNMENT OF NAGALAND
DIRECTORATE OF A.H & VETERINARY SERVICES
NAGALAND:: KOHIMA**

DECLARATION OF RESULT

NO.VET/EST-3/KMA/I(Pt-I)2022-23/ In continuation to the Advertisement letter NO VET/EST-3/KMA/I/Pt-I/2022-23/2770-75 Dated Kohima the 17thOct.2023 and in pursuance to Government approval letter NO.AHV/LIT/35/2015/AHV (Pt)/768 dated 17th Nov' 2023 Shri.MhalevizoTevo bearing Roll.No.04 is hereby selected for appointment in orderof merit to the post of MTS at VHC Chakhabama, under the establishment of Chief Veterinary Officer Kohima.

**Sd/- DR. NSANTHUNG EZUNG)
DIRECTOR OF A.H & VETERINARY SERVICES
NAGALAND:: KOHIMA.**



24TH Hornbill Festival 2023
DAY 8
MORNING - 10:00 AM

HOST
MRS. HEKHANI JAKHALU
 ADVISOR
 INDUSTRIES AND COMMERCE

CO-HOST
DR. TSEILHOUTUO RHUTSO
 MLA

MR. JWENGA SEB
 MLA

CHIEF GUEST
JACO JANSE VAN RENSBURG
 ROUTE MANAGER, RMB ULTRA TRAIL CAPE TOWN
 & INTERNATIONAL TRAIL RUN, SOUTH AFRICA.
 CHAIRMAN, BOARD OF DIRECTORS, KIBWE KIDS

HONOURED GUEST
MR. PRAVIN KUMAR HANUMANT SINGH
 VSM, ADGBR (EAST)

TRIBAL GUEST
Y. SHUVEN TIKHIR
 TIKHIR

AFTERNOON - 1:00 PM

HOST
MR. W. CHINGANG KONYAK
 ADVISOR
 GEOLOGY & MINING & DUDA

CO HOST
MR. S. KIUSUMEW YIMCHUNGER
 ADVISOR
 FIRE & EMERGENCY SERVICES & HOME GUARD & CIVIL DEFENCE

CHIEF GUEST
SK PANDEY
 GENERAL MANAGER
 (CONSTRUCTION) RAILWAY

HONOURED GUEST
C. P. S. BAKSHI
 JOINT SECRETARY
 MINISTRY OF MINORITY AFFAIRS

SCAN FOR HORNBILL SCHEDULE



Menungra Bilemteter



ASÜR IMKONGYAPANG (CHUCHUYMLANG)

Temeim oba nai onok toktsür or küm ka (8th Dec 2022) ajungdang, nü temeim bilemteta, na meliaka na menungra sarasadema amonger.

Temeim Kinungtsü, Chirnurtem aser Semchir.

ACKNOWLEDGEMENT



We the bereaved family members of **Lt. Bendangneken Jamir** (Lakhuni Village), would like to extend our heartfelt gratitude and immense appreciation to each and every individual, union, churches, etc and especially 2nd NAP Alichen, during the sudden demise of our beloved father.

We sincerely apologize for not mentioning specifically, but we pray that our Almighty God will bless you abundantly.

~ Loving Family members and relatives

Taruba küm March ita Russia tir election agitsü

Moscow, Luchii/December 07 (Agencies): Russia-i March 17 nü tir election agitsü Brestostibarnü lemtetogo, koba Vladimir Putin-isa akoktsü imlar, shibai küm 20 dak tema yimsü süa arudang pa anemer ola madokdaksü.

Russian television nung live sayuba senden ka nung parliament indang upper house ajanga vote atema iba anogo molunga agizüka liasü. Iba telemtetba agiba ajanga tir election asoshi nübuyim tenzüker, ta iba chamber tekolakba Valentina Matvienko-i ashi.

Taoba mapang KGB agent inyaka alisang Putin ya 1999 nungi tenzüka tir mesüra ato kilonser ama Russia nung yimsü süa aru, saka pai ano küm trok yimsü asütsü asoshi election nung tokteptsübo sangdonga mali.

Arishi küm 71 tain Putin ya taruba hopta 'end-of-year press conference' akatsü lir, kong pai iba election nung pa tokteptsü atema sangdongtsü akok. 2022 küm February ita Russian sepaitem dang Ukraine telungi aitsü totuyuba agütsüba sülen iba ama osangbener senden tang

mezüngbuba alitsü.

Iba sülen Russia-i Ukraine indang Lugansk, Donetsk, Kherson aser Zaporizhzhia region tem rakzüko go ta ashir, saka Russian sepaitemi ajungbo mamokbangi lir. Item region nunga election ya agitsü sentong lir.

"Bendanglen nungi tensa tamajung bener arutsütsü merangaka aser tsükchirtemi Russia tashi maitba kumdaksütsü merangaka, asenok constitutional values matsüngdang shidak lir," ta Matvienko-i ashi.

Putin sorkar den Russia nunger tangsa telungjemba lir aser sorkar mapaji tamang katettsüsa lir aser dangari rara mesüba nokdakteter ta sayutsüla, ta lai ashi.

Putin ya tir kümsük pongububa asoshi tokteptsü akok. 2020 küm constitution nung temelenshi kar bener aruba sülen pa tir ka ama 2036 tashi inyaktettsü. Ukraine amak tenzüka sülen Putin ya anüolen linüktem nungi lenirtem asoshi nisung tamajung lir aser par linük nung tenokdangba aser temerenshi balala agütsü lir.

Ajitsüka Kremlin tekolakba ya tang temolung tuluba akumer, kechiaser anüolen linük temi Ukraine bhukumba ajema akumer aser Ukraine-i meyiper amakba nung timba tamakok ajurua lir.

Tenokdangba aser temerenshi balala agütsüka Russian rongsenketzüng kanga junga lir aser Asian linüktem dang energy ayokba manener.

Pa tir ka ama kümsük ana inyaka sülen Putin ya 2008 aser 2012 tsüngta ato kilonser akum aser iba mapang pa kajep Dmitry Medvedev tir akum. Tir ka kümsük ana dak tema inyaka constitution ajanga noksanga aliba paidoktsü mechi melentepba liasü.

Pai mapang talangka yimsü süa arudang pa anemer ajemzüka yok aser Russia ya authoritarianism aser nationalism kumdaksü. Pa anemer ajunga amai tepuokdak ayu, linük yutsür jena ao, mesüra tensa balala nung asü.

Ukraine nung rara tenzüka sülen rara anemertem Russia-i tepuokdak ayu aser army aitsürtem ozüing anemer ama kumdakja ozüing yanglu.

Mulungnen O



01.10.1926 **02.12.2023**

Onoki teti dang meima aliba tsürabur asür **Chungpongtemjen Jamir** (Ungma), shirangba mapang nungi iba akümüli tembanger mangyim jashi khuret tulu agi sünger alidang kija, kibong, lokti aser arogotem nungi nübu, rongsen, shisatsü aser aria bilemba temeim aser sarasadem agi ozü mulung sünepdakja asükhu mapang nungita yaritepa asoshi nenok ajak dang ozü mulung taroktiiba nungi kanga pelaba lemsateper.

Nenoki yariba asoshi ozüi tsüngtong aruagi nenok den tepela melemsatet nung iba osang ajanga nenok ajak dangi tepelaba lemsateper.

Temeim Chirnurtem, Semchirtem aser Kinungertem

Gaza nung asür nisung 17,000 alemogo

Gaza City, Luchii/December 07 (Agencies): Gaza nung aliba health ministry ajanga ashiba agi, October 7 nungi tenzüka Israel-i Palestine nunger nisung 17,177 tepsetogo aser ano nisung 46,000 dak tema yirua lir.

Tesüiba ghonda 24 tsüngta Palestiner nunger nisung 350 tepset, ta ministry ajanga Brestostibarnü ashi.

Israel sepaitemi kasa anogo Gaza north tsütsü Jabalia refugee camp nung aliba al-Awda mosque amak, aser iba anasa civilian tem jenoka liasü.

Iba tesem nung bomb

pokloksüba sülen anüngleni mokozü temeim tua liasü aser nüburtem teyari agütsütsü asemtepa oa liasü.

Ano Israel sepaitemi Gaza indang Old City nung aliba Othman bin Qashqar Mosque amak aser raksatsü.

Ibai Gaza Strip nung mosque tejentiba aser archaeological sites liasü.

Gaza north tsütsü Jabalia refugee camp ya Strip nung nisung timtiba aliba tesem ka aser iba territory nung refugee camp tulutiba liasü.

Iba camp ya ali tasazük 1.4 sq km nung liasü aser tang rara

ya metenzükdang nisung 115,000 dak tema yangji liasü, ta UN ajanga ashir.

Tang iba tesem nung Israel sepaitemi tanen makai bomb pokloksür aser iba tesem azüngtsütsü totuyuba agütsü liaka nisung meyrirjang aika yangji temeimtsü tia nung lir, ta Hamas ketdangsür temi ashir.

IDF-i Bodhbar aonung Jabalia nung aliba Hamas compound ka amak aser iba mapang prangbong bena alir kar tepset aser longpok tesendaktep ka, training agütsüba tesem ka aser hadir yua aliba ngutet, ta Israel-i ashir.

Seychelles nung state of emergency sangdong

Victoria, Luchii/December 07 (Agencies): Tapoktsü oset ayuba tesem ka poksaba aser tzünglu kanga sashia arua industrial zone aser temeket tesemtem raksaba sülen Seychelles Tir Wavel Ramkalawan-i Brestostibarnü state of emergency sangdongogo.

Iba apokba yagi Mahe asetkong anakshitsü aser tzünglu sashia aruba ajanga tzümetsüng adoka nisung asem asü, ta tir indang office ajanga sangdong ka nung ashi aser minute ka süngjema alitsü ayongzüka liasü.

"Nisung ajak dang kilung nung alitsü ajungshir. School ajunga shibangtsü. Tongtipang services nung inyaktertem aser bendang aina aortem dang senzütsü melatsü," ta ashi.

National television nung video sayuba nung yimtung

ajunga molushi aser jana agi sünger süngdong tera mükepa laoa liasü.

Tourist tem atemaba international airport aser asetkong balala tsüngta jajaba rong tem senzütsü melar, ta sorkar indang Visit Seychelles account nung shia lir.

Seychelles ya tourist tem asoshi tesem tajung ka lir, kong asetkong 115 shi lir aser Africa nung nütsüng yongsük ishiba aliba linükji ibai lir, kong nisung 100,000 shi alir. Ibai Africa anüdok tzükum anasa lir.

Iba continent nung taküm tzü-mopung dak sendakba nung timtem balala ajurua aruba rongnung tang tesüsa tzümetsüng ya ka lir. Taküm Kenya, Mauritius, Madagascar, Somalia aser Tanzania linüktem nunga tzümetsüng, anentsüh aser tzüngsarusa agi timtema arua liasü.

ICC Men's Player of the Month awarda atema Shami shimogo



New Delhi, Luchii/December 7 (Agencies): ODI World Cup nung kanga junga asayaba sülen India nunger asayar Mohammed Shami November ita atema ICC Men's Player of the Month award asoshi nominate süogo, ta ICC-i Brehostibarnü sangdong ka ajanga metetdaksü.

Shami den külemi Australia nunger asayar Travis Head aser Glenn Maxwell nata iba award atema shimogo.

World Cup nung bowler tem rongnung Shami temaba jenjang nung liasü.

Arishi küm 33 tain asayar yagi iba asayamung nung wicket

24 agi aser wicket 15 bo November ita agia liasü. Pa indang average 12.06 aser economy rate 5.68 liasü.

World Cup atema asayatem shimba mapang Shami ya tesülenang shima liasü, saka pai team nem teyari tulu agütsüogo. November ita pai Player of the Match award ngua tenzük. Sri Lanka den Wankhede Stadium nung asayaba mapang pai run 18 agütsür wicket 5 agia liasü.

Maneni kasa tesem nung New Zealand den semifinal asayaba mapang pai run 57 agütsür wicket 7 agia liasü, koba World Cup nung bowler kati wicket timtiba agiba liasü.

Kasa mapang nung

November ita Maxwell-ia kanga junga asayaogo. Pai Afghanistan den asayaba mapang run 201 yanglua Australia tema knockout stage-i ania liasü.

Final asaya nunga Maxwell-i kanga junga asaya-a Rohit Sharma out sütsü aser Australia atema tatembangbuba run pai yanglua liasü. India den T20 asaya nunga pai Guwahati nung asayaba mapang ball 48 nung out mesüi run 104 yanglua liasü.

Head tang mezüngbuba Men's Player of the Month award atema nominate süogo. Final asaya nung pai century ka yanglua par team takok dangi ania liasü.

Palmeiras-i Brazil Serie A kokogo; Santos relegate süogo

Luchii/December 7, 2023 (Agencies): Brazilian league kanga jangradema asayaba sülen Bodhbarnü tembangogo. Taküm iba asayamung ya Palmeiras-i kokogo aser kasa mapang nung Santos pur tang mezüngbuba iba league nungi relegate süogo.

Bodhbarnü tatembangbuba round asaya nung Cruzeiro den goal 1-1 ta kasasa tembangba sülen Palmeiras puri iba asayamung 12benbuba kokogo. Mineirao Stadium, Belo Horizonte nung asayaba mapang arishi küm 18 tain Endrick-i Palmeiras atema mezüngbuba goal idaktsü ajisüaka Nikao-i minute 80buba nung Cruzeiro atema goal ka idakja asaya goal kasasa nung tembangba liasü.

Bodhbarnüsa Santos puri goal 2-1 agi Fortaleza makokba sülen parnok tang mezüngbuba league nungi relegate süogo.

Portuguese coach Abel Ferreira-i lenisüba nung Sao Paulo nung amendaker aliba club yagi tite 9buba benogo. Pa indang contract taküm tembangtsü, saka Brazil nung media sangdong balala ajanga ashiba agi, pai Qatar indang club Al-Sadd-i maongka agütsüba

agizüktsü akok. Tatembangbuba round nung Atletico Mineiro aser Flamengo natia takok marok abentsü asoshi maongka terabo liasü saka tenapronglai asaya makok. Team ana tamakok anguba ajanga Luis Suarez asayaba club Gremio pur tanabuba jenjang nung tembangba liasü. Tatembangbuba round nung Gremio puri goal 3-2 agi Fluminense akok. Iba asaya nung Suarez-i goal ana idakja liasü.

Palmeiras puri asayamung tepeyong nung point 70 nguteta parnok Gremio dang nungi point ana agi timba liasü. Round 38 nungi 31 tashibo Botafogo pur temaba jenjang nung liasü saka parnoki ajak senteper point 64 dang nguteta pongububa nung tembangogo.

Kasa mapang nung Santos puri point 43 ngur asayamung tembangogo. Parnoki Bahia point ka agi memenep shirnoki Atletico Mineiro 4-1 agi koka liasü.

Asayamung nung Atletico Mineiro nungi asayar Paulinho-i goal (20) timtiba idaktsü aser pa sülen Suarez aser Botafogo nungi asayar Tiquinho na liasü. tenapronglai goal 17 idakja liasü.

Kyrgios & Raducanu na Australian Open Entry List nung mali



Luchii/December 7, 2023 (Agencies): Nick Kyrgios aser taoba mapang US Open champion Emma Raducanu na Brehostibarnü sayaba 2024 Australian Open entry list nung mali, ajisüaka Rafael Nadal aser Naomi Osaka nabo tanaben asaya tenzükshitsü renemdar.

Australia nunger asayar Kyrgios, shiba January ita temekok surgery agia liasü, pa Wimbledon nungbo asayatsü sentong liasü, saka tekanük yiruba sülen masayatetsüsa aküm.

Australian Open mendenbuba Craig Tiley-i ashiba agi, taruba küm mezüngbuba Grand Slam nung Kyrgios asayatsü imlar aser pa nem wildcard ka agütsütsü akok.

Kasa mapang nung British tsür Raducanu, automatic entry list nung züngoksema mali.

Arishi küm 21 tain asayar

shibai ajak aoksadakja qualifier ka ama arishi küm 18 asüba mapang US Open koka liasü, la tetsüng teloktep aser tekanük surgery agiba ajanga April ita nungi masayai arudar.

La iba ita Macau nung exhibition asayamung ka nung asayatsü liasü, saka masayatsü asoshi telemtetba agi. Ajisüaka la 2024 küm nungi asayatsü imlar.

Raducanu-i point 103 dang ngua lir aser iba tetezü la Australian Open nung indang indang masayatetsü aser

Chakhesang kin-i Hornbill arr atsütepba kokogo

Dimapur, Luchii/December 7 (TYO): 24buba Hornbill festival arr atsütepba tetoktepba tetsür aser tebur naprongla Chakhesang kin-i kokogo.

Iba asaya ya Department of Youth Resources & Sports-i ayongzüka December 7 nü Naga Heritage Village, Kisama nung asaya-a liasü.

qualifying asayang asayamung nung shilem agitettsü, mesüra tangar kar melena asayatsü akok. La nem wildcard-a agütsütsü akok.

Wildcard ya yimya agi Australia nunger asayatem atema mekazüka toktsür, saka Caroline Wozniacki nembo Bodhbarnü wildcard ka agütsüogo.

Maneni Nadal aser Osaka naprongla Brisbane International nung asayatsü züngoksemogo anungji Australia Open nunga asayatsü imlar.

Nadal taküm Australia Open asayaba sülen tang tashi khen danga masayai lir aser pa ket nung protected ranking tekü lir.

Japan tsür Osaka-a July ita tanur ka suogo aser la 2022 küm September ita nungi masayai arudar. Austrlia Open ya January 14 nungi 28 tashi asayatsü.

Tetsür tetoktepba nung Chakhesang kin mezüngbuba jenjang nung liasü aser tanabuba nung Phom aser tasembuba nung Kachari aser Pochury kin liasü.

Tebur tetoktepba Chakhesang-i akok aser tanabuba jenjang nung Konyak kin aser tasembuba nung Rengma aser Sumi kin liasü.

PSG keeper Donnarumma nem asaya ana atema tenokdangba agütsü



Luchii/December 7, 2023 (Agencies): Deobarnü goal 2-0 agi Le Havre akokba asaya nung Paris St Germain keeper Gianluigi Donnarumma-i asayar ka dak tekolak nung metsüba atema asaya ana atema tenokdangba agütsüogo, ta French league achayangba lokti tentet-i metetdaksü.

Italy nunger international asayar ya asaya tenzük minute 10 buba nung red card agütsür tugudaktsü. Ball ka

metsütoktsü merangba mapang pai Josue Casimir tekolak nung metsüa liasü.

Donnarumma ya box temi adoker long ball ka kangketa tur metsütoktsü merangba mapang Le Havre forward Josue Casimir indang tejak nung metsüa liasü.

Donnarumma, taruba hopta ana tsüingda Nantes aser Lille na den asayatsü aliba nung masayatetsü, saka Champions League nung Dortmund denbo asayatetsü.

BILEMDANGANG

"Shibai tila ka nung temulung masür pa kecha agia temulung masütsü."